



Broj: 06-09-1-3919-8/2024
Sarajevo, 17.12.2025. godine

SVIM TUŽILAŠTVIMA U BOSNI I HERCEGOVINI

N/r glavnih tužilaca

PREDMET: Dostavljanje statističkih podataka o radu tužilaštava za 2025. godinu i ocjenjivanje rezultata rada nosilaca pravosudnih funkcija u tužilaštvima za 2025. godinu, *traži se*

Poštovani,

Visoko sudsko i tužilačko vijeće Bosne i Hercegovine (u daljnjem tekstu: VSTV BiH) poziva glavne tužioce da dostave podatke o radu tužilaštava za 2025. godinu i provedu postupak ocjenjivanja rezultata rada nosilaca pravosudnih funkcija u tužilaštvima za 2025. godinu.

Napominjemo, VSTV BiH će za potrebe izrade odgovarajućih dijelova Godišnjeg izvještaja VSTV BiH za 2025. godinu, iz Sistema za automatsko upravljanje predmetima u tužilaštvima (TCMS) preuzeti statističke podatke o radu tužilaštava za prethodnu godinu. Podaci će se preuzeti iz TCMS-a 15.01.2026. godine, nakon završetka radnog dana.

U cilju efikasnog provođenja postupka izvještavanja o radu tužilaštva i ocjenjivanja rezultata rada nosilaca pravosudnih funkcija u tužilaštvu, neophodno je da se blagovremeno upoznaju sa svim materijalima koji će se koristiti u ovom postupku: glavni tužilac, nosioci pravosudne funkcije u tužilaštvu, sekretar tužilaštva i drugi uposlenici u odjeljenju tužilačke uprave, šef pisarnice i odgovorni uposlenici u pisarnici tužilaštva i IKT službenici tužilaštva.

I. Dostavljanje statističkih podataka i narativnog izvještaja o radu tužilaštava za 2025. godinu

Tabele za obračun pojedinačnih i kolektivnih radnih rezultata u tužilaštvu dostupne su na internet adresi:

<https://vstv.pravosudje.ba/vstvfo/B/141/article/143333>

Potrebno je da tužilaštva predmetne tabele preuzmu, popune i dostave VSTV-u BiH najkasnije do **02.02.2026. godine**, isključivo elektronskim putem, na e-mail adresu: vstvstatistika@pravosudje.ba.

Za tačnost i blagovremenost podataka u TCMS-u i dostavljenih podataka u tabelama za obračun radnih rezultata u tužilaštvima odgovorni su glavni tužioci.

Posebno napominjemo da primjere u vezi načina obračuna individualne i kolektivne orijentacijske norme u tužilaštvima možete pronaći u Instrukciji u vezi sa Pravilnikom o orijentacionim mjerilima za rad tužilaca u tužilaštvima u BiH i Uputstvom za primjenu Pravilnika o orijentacionim mjerilima za rad tužilaca u tužilaštvima u BiH, u kojoj je navedeno detaljno pojašnjeno, i koja je dostupna na gore navedenoj internet adresi.

Podsjećamo da su tužilaštva dužna pripremiti narativni izvještaj o radu tužilaštava za 2025. godinu u skladu sa **Smjernicama VSTV BiH** za izradu godišnjeg narativnog izvještaja o radu tužilaštava koje se mogu preuzeti na navedenoj internet adresi.

Tužilaštva su dužna dostaviti ovaj izvještaj VSTV-u BiH na slijedeće e-mail adrese: VSTVOdjelzaunapredjenjefikasnostiikvalitetaradautuzilastvima@pravosudje.ba i vstvstatistika@pravosudje.ba, u rokovima kako slijedi: Tužilaštvo Bosne i Hercegovine, Tužilaštvo Brčko Distrikta Bosne i Hercegovine i kantonalna i okružna tužilaštva dostavljaju izvještaj VSTV BiH najkasnije do 15.02.2026. godine, odnosno Federalno tužilaštvo Federacije Bosne i Hercegovine i Republičko javno tužilaštvo Republike Srpske najkasnije do 28.02.2026. godine.

Napominjemo, na navedenoj internet adresi postavljeni su relevantni materijali u vezi sa objavljivanjem sudskih odluka i informisanju o objavi odluka u 2025. godini. Popunjenu Tabelu za objavljivanje tužilačkih odluka tužilaštva su dužna dostaviti do 30.03.2026. godine na e-mail adresu osde@pravosudje.ba.

Dodatno, podsjećamo da je VSTV BiH na sjednici održanoj 16. i 17.10.2024. godine usvojilo **izmijenjeni Obrazac „Evidencija za predmete u vezi sa oduzimanjem protivpravno stečene imovinske koristi“ i Uputstvo za popunjavanje evidencije Obrasca „Evidencija za predmete u vezi sa oduzimanjem protivpravno stečene imovinske koristi“**, a koje dokumente je VSTV BiH dostavilo svim tužilaštvima zasebnim Dopisom broj: 06-09-1-4058-2/2024. Napominjemo da su pomenuti dokumenti usklađeni sa **Smjernicama za glavne tužioce Tužilaštva BiH, Republičkog javnog tužilaštva RS, Federalnog tužilaštva FBiH i Tužilaštva BD BiH za donošenje općeg obavezujućeg uputstva o uspostavljanju internog mehanizma koordinacije u tužilaštvima u vezi sa oduzimanjem imovinske koristi pribavljene krivičnim djelom** (broj: 06-09-11-3518-2/2024 od 25.09.2024. godine), koje su stupile na snagu danom donošenja, a počinju se primjenjivati počev od 01.01.2025. godine, a o čemu su informisana sva tužilaštva dopisima VSTV BiH broj: 06-09-11-3518-1/2024 od 03.10.2024. godine i broj 06-09-1-4058-2/2024 od 08.11.2024. godine. S tim u vezi, napominjemo da su glavni tužioci Tužilaštva BiH, Republičkog javnog tužilaštva RS, Federalnog tužilaštva FBiH i Tužilaštva BD BiH donijeli opšta obavezujuća uputstva, odnosno da su svi glavni tužioci u Tužilaštvu BiH, Federalnom tužilaštvu FBiH, Republičkom javnom tužilaštvu RS, Tužilaštvu BD BiH, okružnim javnim tužilaštvima i kantonalnim tužilaštvima donijeli i dostavili nadležnom entitetskom tužilaštvu i VSTV BiH, odluku o imenovanju tužioca koji će obavljati poslove kontakt tačke, kao i šefa pisarnice, odnosno drugog lica koje će obavljati zadatke iz člana 6. u Prijedlogu za sadržaj uputstva iz tačke 2) Smjernica.

Nadalje, podsjećamo da je VSTV BiH e-mailom od 12.02.2025. godine svim tužilaštvima dostavilo poziv za dostavljanje podataka u vezi sa oduzimanjem protivpravno stečene imovinske koristi za 2025. godinu (dok je Tabela za 2025. godinu objavljena na web stranici VSTV BiH: <https://vstv.pravosudje.ba/vstvfo/B/141/article/134918>), uz napomenu da svaki kvartalni izvještaj treba sadržavati podatke iz prethodnog/ih kvartala, kao i da ispravno popunjen 4. kvartalni izvještaj za 2025. godinu predstavlja ujedno i godišnji izvještaj.

Tužilaštva su dostavila izvještaj za prva tri kvartala 2025. godinu, odnosno podatke o tužilačkom i sudskom postupanju u oblasti oduzimanja protivpravne imovinske koristi stečene krivičnim djelom, o čemu je upoznat VSTV BiH na sjednici koja je održana 17. i 18.12.2025. godine. Tom prilikom, VSTV BiH, je između ostalog, usvojilo sljedeći zaključak:

- *Visoko sudsko i tužilačko vijeće Bosne i Hercegovine konstatuje da tužilaštva izvršavaju svoju obavezu u pogledu dostavljanja izvještaja o oduzetoj imovinskoj koristi VSTV-u BiH, međutim, u kvalitativnom smislu uočeno je da pojedina tužilaštva nisu popunila tabele u skladu sa Uputstvom za popunjavanje Obrasca „Evidencija za predmete u svezi sa oduzimanjem protivpravno stečene imovinske koristi“. Nadalje,*

uočeno je da su pojedina tužilaštva dostavila podatke u formi nevažećeg Obrasca „Evidencija za predmete u vezi sa oduzimanjem protupravno stečene imovinske koristi“, pa čak i postupanja suprotna Uputstvu, na način da se u predmetnom Obrascu VSTV-a BiH navede da su podaci uneseni u Modul, a oni to nisu. Konačno, uočeno je da tužilaštva i dalje ne evidentiraju u potpunosti relevantne podatke u (T)CMS Modul za evidentiranje podataka o odlukama o oduzimanju protupravne imovinske koristi, odnosno u Obrazac „Evidencija za predmete u svezi sa oduzimanjem protupravno stečene imovinske koristi“.

S tim u vezi, VSTV BiH je zaključio da je potrebno da tužilaštva dodatno obrate pažnju na kvalitet unesenih podataka u svojim izvještajima, te da ih po potrebi koriguju, kao i podatke unesene u (T)CMS Modul za evidentiranje podataka o odlukama o oduzimanju protupravne imovinske koristi, kako bi se osigurala dosljedna primjena pomenutih Smjernica VSTV BiH, odnosno da VSTV BiH ima pouzdane podatke o privremeno i trajno oduzetoj imovinskoj koristi u 2025. godini.

Konačno, ističemo da je u skladu sa članom 5. stav (3) Smjernica za glavne tužioce Tužilaštva BiH, Republičkog javnog tužilaštva RS, Federalnog tužilaštva FBiH i Tužilaštva BD BiH za donošenje općeg obavezujućeg uputstva o uspostavljanju internog mehanizma koordinacije u tužilaštvima u vezi sa oduzimanjem imovinske koristi pribavljene krivičnim djelom, potrebno da tužilaštva dostave **godišnji izvještaj na Obrascu VSTV BiH, najkasnije do 31.01.2026. godine.**

Dodatno podsjećamo tužilaštva na obvezu da kontinuirano vode evidenciju o predmetima za krivična djela koja su počinjena iz mržnje na obrascu Upitnika OSCE-ODIHR na način kako je to navedeno u Dopisu VSTV BiH broj: 06-43-1-1660-2/2023 od 03.05.2023. godine (dopis postavljen na gore navedenoj internet adresi). Potrebno je da tužilaštva sa prethodno navedene Internet adrese preuzmu, popune i dostave Upitnik OSCE-ODIHR VSTV-u BiH najkasnije do **02.02.2026. godine**, isključivo elektronskim putem, na e-mail adresu: vstvstatistika@pravosudje.ba, kao i anonimizirane optužnice i presude za koje su dostavili podatke u navedenom Upitniku.

II. Ocjenjivanje rezultata rada nosilaca pravosudnih funkcija u tužilaštvima za 2025. godinu

Važeći Kriteriji za ocjenjivanje rada nosilaca pravosudnih funkcija u tužilaštvima u BiH su usvojeni na sjednici VSTV-a BiH održanoj 18.12.2024. godine i objavljeni u Službenom glasniku BiH, broj 90/24, o čemu je VSTV BiH dostavio obavještenje dopisom broj 06-09-1-43-1/2025 od 07.01.2025. godine.

Kriteriji za ocjenjivanje rada nosilaca pravosudnih funkcija u tužiteljstvima u BiH i obrasci za ocjenu rada nosilaca pravosudnih funkcija u tužilaštvima za 2025. godinu dostupni su na Internet adresi:

<https://vstv.pravosudje.ba/vstvfo/B/141/article/143333>

VSTV BiH je na sjednici održanoj 09. i 10.04.2025. godine usvojilo Uputstvo za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini (broj: 06-09-1-43-3/2025), koji je dostavljen svim tužilaštvima putem elektronske pošte dana 18.04.2025. godine i koji je dostupan na gore navedenoj internet adresi.

Pored navedenog, VSTV BiH je na sjednici održanoj 09. i 10.07.2025. godine usvojilo Uputstvo o algoritmu za nasumični odabir predmeta za analitičko ocjenjivanje rada nosilaca pravosudnih funkcija u tužilaštvima (broj: 06-09-1-43-4/2025), koji je dostavljen svim tužilaštvima putem elektronske pošte dana 11.07.2025. godine i koji je dostupan na gore navedenoj internet adresi.

U vezi sa primjenom Kriterija za ocjenjivanje rada nosilaca pravosudnih funkcija u tužilaštvima u BiH i navedenih uputstava posebno skrećemo pažnju na slijedeće:

1. Učešće ocjenjivanog tužioca u postupku ocjenjivanja (član 8. Kriterija za ocjenjivanje rada tužilaca u Bosni i Hercegovini i članovi 5. i 6. Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini)

Članom 8. Kriterija za ocjenjivanje rada tužilaca u Bosni i Hercegovini i članom 5. Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini propisana je obaveza ocjenjivanog tužioca da sačini izvještaj o svom radu u periodu ocjenjivanja uz naznaku predmeta koji je on odabrao za analitičko ocjenjivanje.

Ocjenjivani tužilac će izvještaj sačiniti na Obrascu broj 1. i dostaviti glavnom tužiocu najkasnije do 31.12. u periodu za koji se vrši ocjenjivanje.

Nakon dostavljanja izvještaja ocjenjivač će obaviti razgovor sa ocjenjivanim tužiocem najkasnije do 01.03. nakon proteka perioda ocjenjivanja. O obavljenom razgovoru će se sastaviti zapisnik na Obrascu broj 2.

2. Nedovoljan broj predmeta za ostvarenje godišnje orijentacione norme (član 20. Kriterija za ocjenjivanje rada tužilaca u Bosni i Hercegovini i član 7. Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini)

Nastavno na član 20. Kriterija za ocjenjivanje rada tužilaca u Bosni i Hercegovini, članom 7. Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini propisana je obaveza glavnog tužioca da ocjenjivanom tužiocu, VSTV BiH i neposredno višem tužilaštvu dostavi obrazloženu informaciju najkasnije **do 15.10.** u toku perioda ocjenjivanja, sa naznakom da će rad jednog ili više tužilaca ocijeniti u okolnostima nedovoljnog broja predmeta u radu.

Stalna komisija za efikasnost i kvalitet tužilaštava VSTV BiH je na sastanku koji je održan 12.11.2025. godine razmatrala informacije tužilaštava o tužiocima koji u 2025. godini rade u okolnostima nedovoljnog broja predmeta u radu za ostvarenje godišnje orijentacione norme, koje su tužilaštva dostavila nastavno na navedenu odredbu Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini i dopis VSTV BiH od 09.10.2025. godine, dostavljen svim tužilaštvima elektronskom poštom (adresa: VSTVPravosudnaUprava@pravosudje.ba). Stalna komisija za efikasnost i kvalitet tužilaštava VSTV BiH je zaključila da neće biti uvažene eventualne naknadne informacije tužilaštava da su određeni tužioci u 2025. godini radili u okolnostima nedovoljnog broja predmeta u radu za ostvarenje godišnje orijentacione norme.

3. Realizacija plana rješavanja starih predmeta (član 9. Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini)

Podatak o postotku realizacije Plana rješavanja starih predmeta nosilaca pravosudnih funkcija u tužilaštvu preuzima iz Izvještaja iz TCMS-a „*Ukupna realizacija plana tužilaštva u zadanom periodu (D/B)*“.

Procenat realizacije Akcionog plana za rad na predmetima ratnih zločina obračunava se u skladu sa članom 9. stav (2) i (3) i članom 16. tačka b) Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini.

Ukoliko je nosilac pravosudne funkcije istovremeno zadužen Planom rješavanja starih predmeta i Akcionim planom za rad na predmetima ratnih zločina, procent realizacije se obračunava u skladu sa članom 9. stav (4) i (5) i članom 16. tačka b) Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini.

4. Analitička ocjena (član 22. – 27. Kriterija za ocjenjivanje rada tužilaca u Bosni i Hercegovini, član 10. – 13. Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini)

Glavni tužilac:

Analitička ocjena nosilaca pravosudne funkcije u tužilaštvu utvrđuje se na osnovu izvora informacija iz člana 23. Kriterija za ocjenjivanje rada tužilaca u Bosni i Hercegovini:

- Izvještaj na osnovu analitičkog pregleda 4 (četiri) nasumično odabrana predmeta ocjenjivanog nosioca pravosudne funkcije,
- Pismeno mišljenje zamjenika glavnog tužioca o radu tužioca (tužioci kantonalnih/okružnih tužilaštava, Tužilaštva BiH, Tužilaštva BD BiH i posebnih odjela entitetskih tužilaštava), i
- Pismeno mišljenje nadležnog entitetskog tužilaštva o ostvarenom vanrednom uspjehu, odnosno iznimno lošem rezultatu ocjenjivanog tužioca u kantonalnim tužilaštvima i okružnim javnim tužilaštvima.

Glavni tužilac utvrđuje Analitičku ocjenu nakon što pribavi sve potrebne izvore informacija i analizira zapažanja o radu ocjenjivanog nosioca pravosudne funkcije, u skladu sa odredbama člana 27. stav (3), (4) i (5) Kriterija za ocjenjivanje rada tužilaca u Bosni i Hercegovini i člana 13. Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini. Ocjenjivač će prilikom utvrđivanja Analitičke ocjene, na osnovu navedenih izvora informacija, u Obrascu broj 10., odnosno Obrascu broj 11., obrazložiti svoj zaključak o stepenu uspješnosti ocjenjivanog nosioca pravosudne funkcije u pogledu nivoa ispunjenosti parametara Analitičke ocjene iz člana 22. Kriterija za ocjenjivanje rada tužilaca u Bosni i Hercegovini.

Zamjenik glavnog tužioca:

Zamjenik glavnog tužioca tokom perioda ocjenjivanja kontinuirano prati i vodi zabilješke o ukupnom radu ocjenjivanog tužioca na Obrascu broj 6., odnosno Obrascu broj 7. Mišljenje zamjenika glavnog tužioca se unosi u Obrazac broj 8., odnosno Obrazac broj 9., i treba da sadrži obrazloženu procjenu sa bitnim informacijama u odnosu na elemente ocjene rada iz člana 22. Kriterija za ocjenjivanje rada tužilaca u Bosni i Hercegovini.

5. Organizacija i rukovođenje radom tužilaštva/odjela (član 15. Uputstva)

Članom 15. Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini propisana je obveza ocjenjivača da u Obrascu broj 12. i Obrascu broj 13. navede izvore informacija korištene pri analizi rada ocjenjivanog nosioca pravosudne funkcije, odnosno donošenja odluke o dodjeli bodova kao i detaljno obrazloži razloge dodjele određenog broja bodova po ovom elementu ocjene rada.

Procent realizacije Plana rješavanja starih predmeta i Akcionog plana za rad na predmetima ratnih zločina na nivou tužilaštva i odjela obračunava se u skladu sa članom 15. stav (4) i (5) Uputstva.

6. Unos obrazaca iz postupka ocjenjivanja rada nosilaca pravosudnih funkcija u bazu podataka VSTV-a BiH

U skladu sa Uputstvom za popunjavanje elektronskog obrasca u bazi podataka VSTV-a BiH i unos skeniranih obrazaca za ocjenjivanje rada nosilaca pravosudnih funkcija u tužilaštvima u bazu podataka VSTV-a BiH, skrećemo pažnju da se u bazu podataka VSTV BiH unose sljedeći obrasci:

- Obrazac za ocjenjivanje rada (Obrazac broj 15 ili Obrazac broj 15.1 ili Obrazac broj 15.2) i eventualno Obrazac broj 3. unose u bazu podataka VSTV-a BiH zajedno.
- Obrazac broj 10., odnosno 11., se posebno skenira i unosi u bazu podataka VSTV-a BiH u za to predviđeno polje.

Što se tiče unosa obrazaca u bazu podataka VSTV BiH za ocjenjivanog glavnog tužioca, zamjenika glavnog tužioca i šefa odjela u bazu podataka VSTV-a BiH se unose sljedeći obrasci:

- Obrazac za ocjenjivanje rada: Obrazac broj 15.3 ili Obrazac broj 15.4 ili Obrazac broj 15.5 ili Obrazac broj 15.6.
- Obrazac broj 7., odnosno Obrazac broj 8. Obrazac za ocjenjivanje rada i Obrazac broj 7., odnosno Obrazac broj 8., se zajedno skeniraju i zajedno unose u bazu podataka VSTV-a BiH u za to predviđeno polje.
- Obrazac broj 10. Obrazac broj 10. se posebno skenira i unosi u bazu podataka VSTV-a BiH u za to predviđeno polje.

Od izuzetne je važnosti da se osigura da IKT službenici u tužilaštvima postupaju u skladu sa Uputstvom za popunjavanje elektronskog obrasca u bazi podataka VSTV-a BiH i unos skeniranih obrazaca za ocjenjivanje rada tužilaca u bazu podataka VSTV-a BiH.

7. Rok za provođenje postupka ocjenjivanja

U skladu sa članom 5. stav (1) Pravilnika o postupku ocjenjivanja rada nosilaca pravosudnih funkcija („Službeni glasnik BiH“, br. 28/24 i 90/24) postupak ocjenjivanja rada je potrebno okončati i unijeti obrasce za ocjenjivanje rada u bazu podataka VSTV-a BiH najkasnije **do 01.04.2026. godine**. Stalna komisija nadležna za nadzor nad ocjenjivanjem rada nosilaca pravosudnih funkcija u tužilaštvima (Stalna komisija za efikasnost i kvalitet tužilaštava), u skladu sa članom 5. stav (5) Pravilnika je dužna izvijestiti VSTV BiH o ocjenjivačima koji propuste da blagovremeno provedu postupak ocjenjivanja.


Smatraće se da je ocjenjivanje rada okončano nakon što glavni tužilac o tome dostavi obavještenje na e-mail adresu vstvpravosudnauprava@pravosudje.ba. Ovo obavještenje će se bez odlaganja dostaviti VSTV-u BiH na Obrascu broj 17., koji je uvršten u materijale za ocjenjivanje rada na gore navedenoj internet adresi.

Podsjećaju se glavni tužioci na dopis broj 06-08-1-2943-1/2024 od 05.08.2024. godine kojim su tužilaštva obaviještena o zaključku sa sjednice VSTV BiH održane 17. i 18.07.2024. godine u vezi sa dostavljanjem informacije Uredu disciplinskog tužioca u slučaju da tužilaštva ne postupe po propisima i uputama VSTV BiH o provođenju ocjenjivanja.

Eventualna pitanja u vezi materijala za postupak izvještavanja o radu tužilaštva i ocjenjivanja rezultata rada nosilaca pravosudnih funkcija u tužilaštvu možete dostaviti putem e-mail adrese vstvpravosudnauprava@pravosudje.ba najkasnije do 29.12.2025. godine.

Za sve dodatne informacije u vezi sa pripremanjem traženih statističkih podataka za 2025. godinu i provođenjem postupka ocjenjivanja rezultata rada nosilaca pravosudnih funkcija u tužilaštvu, molimo Vas da kontaktirate Odjel za pravosudnu analitiku i izvještavanje Sekretarijata VSTV-a BiH, putem naprijed navedene e-mail adrese.

S poštovanjem,

Predsjednik VSTV BiH
Sanin Bogunić

Dostaviti:

- Naslovu;
- Svim tužiocima,
- Sekretarima tužilaštava,
- Šefovima pisarnica,
- IKT službenicima u tužilaštvima,
- Odjelu za unapređenje efikasnosti i kvalitete rada u tužilaštvima Sekretarijata VSTV-a BiH,
- Odjelu za IKT Sekretarijata VSTV-a BiH,
- Odjelu za imenovanje i napredovanje Sekretarijata VSTV-a BiH.